



Inatsisartunut ilaasortaq Pele Broberg, Naleraq
inatsisartut@inatsisartut.gl

Motorcykelit pillugit § 37 naapertorlugu apeqquteqaammut 2026-142-mut akissut

Asasara Pele Broberg

Dato: 03-08-2026
Sagsnr.: 2026 - 13979
AKT. ID.: 26697647

Inatsisartut suleriaasianni § 37 naapertorlugu motorcykelinik tikisitsisinnaaneq pillugu Naalakkersuisunut apeqquteqaateqarputit. Apeqqutitit uannit akineqartussatut innersuunneqarput. Apeqqutitit matuma kinguliani ataasiakkaarlugit allanneqarput, akissummillu malitseqarlutik.

Postboks 909
3900 Nuuk
Tlf.: (+299) 34 50 00
E-mail: box909@nanoq.gl
www.naalakkersuisut.gl

Apeqqut 1: Naalagaaffimmi oqartussaasut Kalaallit Nunaannut motorcykelinik eqqussinissamut sananissamullu inerteqquteqarneq pillugu inatsit nr. 186, 14. maaji 1980-imeersoq atorunnaarsippassuk, Naalakkersuisut Namminersorlutik Oqartussat allaffissornikkut suliaassanik sunik isumaginnittariaqarnissaat naatsorsuutigaat?

Akissut: Kalaallit Nunaannut motorcykelinik eqqussinissamut sananissamullu inerteqquteqarneq pillugu inatsisip nr. 186-ip, 14. maaji 1980-imeersup atorunnaarsinneqarnera Namminersorlutik Oqartussanut allaffissornikkut suliaassanik, inatsisip atorunnaarsinneqarnerata kingorna isumagineqartussanik kinguneqarnissaa Naalakkersuisut naatsorsuutiginnilaat. Inatsisip atorunnaarsinneqarnerani inatsisit attuumassutillit allanngortinneqarsinnaapput, tamannalu allaffissornikkut suliaqarfigineqarsinnaavoq.

Apeqqut 2: Kalaallit Nunaanni motorcykelinik inerteqquteqarnerup atorunnaarsinneqarnissaa siunertaralugu Kalaallit Nunaata saaffiginnissutissaata isummernissaatalu inatsisilerinikkut piareersarneqarneranut, naalagaaffimmi oqartussaasunik ataqatigiissaarinermut kiisalu tusarniaassutinut akissuteqarsinnaanermut Naalakkersuisut nammineq allaffissornikkut isumalluutinik qanoq annertutigisunik atuinissartik naatsorsuutigaat, AC-årsværkinngorlugu koruuninngorlugulu naatsorsorneqartunik?

Akissut: Apeqqut taamaallaat Kalaallit Nunaata saaffiginninnissaanut inissinnissaanullu inatsisitigut piareersarnermut tunngasuuvuq, allaffissornermi aningaasartuutinut allanut, tassungalu ilanngullugu atorunnaarsitsinerup kingunissaanik naliliinermut imaluunniit Inatsisartunut saqqummiussinissamut tunngasuunani. Matumani naalagaaffiup inatsisaa pineqarmat, Naalakkersuisuni inatsisilerinermik suliaqartoqassanngilaq. Allaffissornermi suliaassat allat naliliiffigineqanngillat.

Apeqquut 3: Naalakkersuisut namminneq suliassaat aningaasaliissutit pioreersut iluanni naammassineqarsinnaava, naalagaaffimmilu oqartussaasunut saaffiginnissutit assingusut imaluunniit § 37 naapertorlugu siusinnerusukkut akissutigineqarsimasut sorliit isumalluutininik atuinnissamik missiliuinermut tunngaviusinnaappat?

Akissut: Naalakkersuisut naalagaaffimmi oqartussanut saaffiginnissutininik assingusunut isumalluutininik atuinnissamik misissueqqissaarsimanngillat. Kisiannili *Kalaallit Nunaannut motorcykelinik eqqussinissamut sananissamullu inerteqquteqarneq pillugu inatsit nr. 186, 14. maaji 1980-imeersoq* atorunnaarsinneqassappat allaffissornikkut suliassat aningaasaliissutaareersut iluanni suliarineqarsinnaassasut Naalakkersuisunit naatsorsuutigineqarpoq.

Neriuppunga qulaani allaqqasuni apeqquteqaatitit akineqartut.

Inussiarnersumik inuulluaqqusillunga

Iddimangiu Jensen Bianco

Iddimangiiu Jensen Bianco